

史記志疑

史記志疑卷二十八

梁玉繩

仲尼弟子列傳第七

孔子曰受業身通者七十有七人

案弟子之數有作七十人者。孟子云七十子。呂氏春秋遇合篇達徒七十人。淮南子泰族及要略訓俱言七十。漢書藝文志序。楚元王傳所稱七十子喪而大義乖是已。有作七十二人者。孔子世家文翁禮殿圖後書蔡邕傳。鴻都畫像水經注。八漢魯峻冢壁象魏書。李平傳學堂圖皆七十二人。顏氏家訓誠兵篇所稱仲尼門徒升堂者七十二是已。有作七十七人者。此傳及漢地理志是已。孔子家語七十二弟子解實七十七人。今本脫顏何止七十六。其數無定。難以臆斷。漢藝文志有孔子徒人圖法二卷。集解載鄭康成孔子弟子目錄。隋

唐志云一卷此二書久亡漢書人表既疏略不備而鴻都像李平圖俱失傳魯峻石壁僅覩隸續殘碑文翁圖在顯晦之間不盡可憑世儒據以攷弟子者惟史記家語而古文家語已不得見今家語并非王肅舊本則史記又較家語爲確史公從孔安國受學親見安國撰集之古文家語故曰弟子籍出孔氏古文者近是但轉相傳寫未免顛倒訛脫謹補而辨之如左雖然弟子之數豈止七十七人而已哉家語與史記異者家語有琴牢陳亢以當史記秦冉公伯僚又叔仲會傳內有孔璇又別有惠叔蘭夫陳亢僂子貢于仲尼故朱注或曰亢子貢弟子但康成注論語以爲孔子弟子西河集有答柴陸升論子貢弟子書辨之甚明至衛人琴牢字子開一字張莊子則陽篇又稱子牢事見論語孟子左傳

趙岐以孟子琴張爲子張

非惠叔蘭與子游善。子游使之受學于孔子。即檀弓之司寇

惠子。

朱氏彝尊孔子弟子考以荀子法行篇之南郭惠子即叔蘭誤也。

孔璇與叔仲會年相

比。執筆送侍孔子。此四人爲孔子之徒。顯有明文矣。索隱引

文翁圖有蘧伯玉林放。

索隱又謂文翁圖有申張申棠。困學紀聞七日。今所傳禮殿圖無申張。蓋

索隱之誤也。

夫伯玉乃孔子所嚴事。不當在弟子列。先儒已多言

其謬。若林放者。夫子大其問禮之本。與善樊遲問崇德語氣

相全。孔子于弟子呼名。泰山不如林放。指其名而稱之。皇侃

論語義疏序言放在弟子之數。唐宋俱有封爵。孔農部闕里

文獻考言乾隆己卯泰安崇禮鄉之放城集掘地得古碑。字

畫磨滅。隱隱見林放及唐大和二年數字。著放之字曰子邱。

鎮洋畢尚書沅關中金石記言開寶八年韓從訓蒼頡廟碑

在白水。其陰列弟子姓名。余見碑陰拓本。字畫完善分明。其

七十四人亦云放字子邱其十哲另列居首與孔氏考合千

年已上之物尤可憑信也

碑較史記無曹邴任不齊后處公首夏公堅定顏祖鄉單罕父黑榮

所原亢樂敬嚴潔十二人有孟孫中樓琴牢林放陳亢伯玉

子產七人又復出樊遲琴張二人子產為孔子履事非弟子

也其他異又碑有孟孫字子嗣一人必孟懿子何忌其字子

全見後

嗣可以補遺何忌奉父倍子之命偕其弟說說非南宮适竝

事孔子明載左傳論語孔叢皆有問答再魯峻石壁殘象與

史全者十四人又有子景伯卽子服何有子象卽縣亶夫伯

僚之愬叔孫之毀景伯必以告當屬弟子朱氏弟子考引唐

劉懷玉孔聖真宗錄以景伯在七十子之間而魯壁別有左

字缺洪氏疑

子慮襄子孺襄子魚公子虛顏子思駟子

言卽襄駟亦非

子未詳荀子八人未知所出史亦缺焉論語有閭黨互鄉二

童子孟武伯問仁問孝往來聖門疑父子俱師孔子孟子有

牧皮與曾皙牢張號為狂士孔子之所與者尤不應遺之禮

雜記有孺悲哀公使學士喪禮于孔子朱氏考云始雖辭疾

禮外也仲弟履繩楊樂錄曰孺悲學士喪禮于孔子要非

得罪聖人邪居以為聖人疾惡遂使孺子蒙鳴鼓之譏善乎

賈洛州士相見禮疏云孺悲欲見孔子不由紹介故辭以疾

始知夫子惡其不備禮非不情之教誨也先需之論厚誣賢

者已交選四十四注引論語撰考識曰孺悲欲見鄉黨慕義

本此射義有公罔之裘序點又作徐從孔子射矍相之圃家

語載子路曰由與二三子之為司馬何如則其為弟子無疑

廣韻注公罔之左邱明受經孔子漢晉以來諸儒均以爲孔

子弟子史孔子世家有顏濁鄒呂覽尊師及淮南汜論

有顏涿聚並受業孔子是二人說見世家中又汜論訓季

襄立節抗行不入滂君之朝不食亂世之食遂餓而死高誘

注季襄魯人孔子弟子或謂即公皙哀季次晏子春秋外篇

有孔子門人益成造稱爲孝子順弟

益成造依盧學士校吳子春秋據宋本益弓上

疏所引改今本益爲一人謬矣而孔鮒諸墨作益成匡恐以形近致誤

又云其父爲孔又有孔子之徒鞠語明于禮樂審于服喪莊

子門人亦異子德充符有常季郭注孔子弟子朱氏考謂樂記賓牟賈在

弟子之列又謂文翁禮殿圖有廉瑀

陶宏景真誥言壺公施存齊人孔子弟子三千

之數朱氏引韋續書品爲素王紀瑞製麒麟書之申姓名缺

失一人事本近誕又安知非弟子中之姓申者乎似不足據

墨子非儒下篇以陽貨佛胥爲孔子弟子孔鮒諸墨已凡茲

辨其妄皇侃論語義疏序篇謂陽貨在弟子之數謬矣羣賢未必盡在三千之數若以此陳亢琴牢牧皮林放仲孫

何忌仲孫說孟武伯甌子服何孺悲左邱明公罔之襲序點

賓牟賈顏濁鄒顏涿聚益成造鞠語季襄惠叔蘭常季孔璇

閔黨互鄉二童子廉瑀左子慮襄子孺襄子魚公子虛駟子

言顏子思至子荀子三十二人增入七十七弟子通計一百

九人乃所傳異詞既無定數而唐宋封爵頗多漏舛唐封八  
十三人較史多蘧瑗申振琴牢琴張白水碑二林放陳亢通  
曰弟子贈典見禮樂志及會要並七十七宋從祀止去琴牢  
姓名與史記全獨通典增入蘧瑗六人封八十二人古史益以琴牢陳亢爲七十九人詎可爲典要  
哉今因考七十七弟子而附紀其不著錄者以備參證云  
於衛蘧伯玉

附案經史問答四曰伯玉年商固有可疑者獻公之出當襄  
公十四年又八年孔子始生伯玉必名德已重然後孫甯思  
引以共事蓋最少亦三十矣歷襄昭定至哀公元年當作孔  
子至衛主于其家上距孫甯逐君之歲六十有六年當作六  
伯玉當在九齡已外而史魚猶以尸諫而引之南子聞其車  
聲而識之伯玉卽如此長年必不如此固位竊意近關再出



不知何人之事。而誤屬之伯玉。以是時伯玉未必從政也。左氏以九十餘歲老人尚見于策者。一爲吳季子。一爲齊鮑文子。皆可疑。而伯玉尤甚。

於魯孟公綽

張孝廉曰。以公綽爲孔子所嚴事。恐未然。又呂氏春秋當染篇云。孔子學于孟蘇襲靖叔。未詳其人。史何以不及。

數稱臧文仲柳下惠

案孔子屢貶文仲。何嘗稱之。不當與柳下惠並舉。

顏回者

衆弟子先後之次。當依論語。或以齒爲序。如子路曾皙冉有公西華侍坐是也。或以德爲序。如顏淵季路侍是也。史殊錯雜。與家語又不全。惟德行四賢無改耳。

少孔子三十歲 回年二十九髮盡白蚤死

案史不書回死之年。索隱及文選辨命論注引家語並作三十二。則今家語作三十一誤也。但回少孔子三十歲。回死之時。孔子年六十二。當魯哀五年。而哀六年方有陳蔡之厄。回何以死乎。又孔子二十生伯魚。三十一回生。伯魚五十而卒。則顏子亦當四十。而論語言伯魚先顏淵死。伯魚五十。孔子年六十九。是回先伯魚死矣。王肅以論語爲設事之詞。甚謬。朱子云。以人情言之。不應如此。王本許慎說。朱子四書釋地又續曰。回少孔子三十歲。三十本康成見曲禮疏。下脫七字。蓋生于魯昭公二十八年丁亥。卒于哀公十二年戊午。方合三十二歲之數。是年伯魚亦卒在前。此本薛應旂甲子會紀。頗爲明確。列子力命篇壽四八可證。俗本壽十八。時孔子六十九歲。有棺無槨之言。政指見在事也。而毛氏奇齡論

語稽求篇以家語作三十一回死爲是。謂二字譌。又以少三十歲是四十之誤。謂回死與子路全時。經史問答從其說。竊所未安。皇王大紀書回死于哀公十一年。亦差一歲。至若後書郎顗傳顏子十八天下歸仁。淮南精神訓註顏回十八而卒。疑亦四歐陽公刪正黃庭經序言顏子年不及三十。均不足據。御覽三百六十六引史髮盡白下有齒早落三字。但後書順帝紀陽嘉元年注及鄧禹傳注俱引史文。與今本全也。

閔損字子騫少孔子十五歲

案弟子目錄云魯人。此缺。家語有之。今家語作少五十歲。乃傳刻之譌。索隱所引家語可證。

如有復我者

案此閔子辭費宰一時拒使者之言。非實事也。疑此句上脫

故曰二字

冉耕字伯牛

案白水碑作百牛古字通鄭云魯人此缺年無攷

朱氏考云聖門志闕

里典志稱伯牛少孔子七歲不審何據

冉雍字仲弓

案鄭云魯人索隱引家語云伯牛之宗族少孔子二十九歲

此失書

荀子非相注以子弓為仲弓

在邦無怨

史詮曰避諱邦當作國

冉求字子有

案鄭云魯人左傳一稱有子

季康子問孔子曰冉求仁乎復問子路仁乎孔子對曰如求

翟教授曰問由求者孟武伯也而由求兩傳皆誤作季康子又孔子答仲由可使治千乘之賦冉求可爲宰事各不全仲由傳依論語載之而此乃曰求可使治賦曰如求何也問同而答異

附案史詮云宋本無此五字

仲由字子路卞人也

附案論語一字季路左傳二稱季子

季康子問仲由仁乎

案孟武伯誤爲季康子

初衛靈公有寵姬曰南子

案南子是夫人非寵姬也且稱妾爲姬亦非當時語

黃鵬乃與孔惺作亂

索隱曰左傳蒯聵入孔悝家悝母伯姬劫悝於廁彊與之盟而立蒯聵非悝本心自作亂也

謂子路曰出公去矣

史記曰出公當作衛君

有使者入城城門開子路隨而入

翟教授曰左傳哀十五年云有使者出乃入此言使者入不合且門乃孔悝家之門非城門也

子路曰君焉用孔悝請得而殺之

測議乎遠曰此語與傳異子龍曰季子救悝而來豈應出此語固知左氏爲當矣

壺臠

案衛世家作孟臠與左傳全此作壺人表作狐臠御覽仇讎

部全人表而戟部作于字日部又作狐黯通志氏族略三作孟驥壺黯孟氏文選辨命論注作孟厭蓋于乃孟之省壺狐古通孟壺音近遂通作狐孟則孟之譌通志不足信也宰子字子我

案鄭云魯人年無攷論語孟子亦稱宰我

與田常作亂以夷其族孔子恥之

案史公斯語厚誣先賢孔穎達本之作檀弓疏云宰我請喪親一期終助陳恆之亂信如所言是孔子之門有叛臣何當日請討陳恆時不聞鳴鼓之攻而天下之通祀者猶容叛臣于其間哉且既附陳恆而誰得而殺之也索隱曰左傳闕止字子我爲陳恆所殺字與宰子相涉因誤兩蘇氏志林古史孔平仲談苑容齋續筆困學紀聞十一引楊龜山說孫奕示

兒編諸書俱依索隱。容齋又謂孟子載三子論聖人賢于堯舜等語。是夫子沒後所談。宰我不死于田常可見。閻氏四書釋地又續謂妙得虛會。余攷韓子難言曰。宓子賤西門豹不鬪而死人手。未詳宰子不免於田常。皆仁賢忠良有道術之士。不幸遇悖亂闇惑之主而死。呂覽慎勢曰。請御鞅諫簡公云。陳常與宰子甚相憎。臣恐其相攻。願君去一人。居無幾。何陳常果攻宰子于庭。淮南人間說苑正諫竝全呂覽鹽鐵論殊路頌賢及說苑指武稱宰。我將攻田常。簡公漏其謀。以柔弱見殺。故宏明集宗炳答何衡陽難釋白黑論云。由醢子族。賜滅其鬚。論衡龍虛云。子貢滅鬚爲婦人。人不不死于田常。而其死爲誅叛討賊。方憫宰我之忠而獲禍。陷胸決脰於凶殘之手。孔子何恥焉。況李斯上秦二世書與諸



子所稱合史公明載斯傳宰我之不助亂明甚而此傳胡爲自相乖阻耶經史問答辨之曰宰我爲簡公死非爲陳恆死不過才未足以定亂耳其死較子路似反過之史記誤而索隱以爲闕止之譌則春秋全時全名之人往往有之晉有二士句齊有二賈舉并全姓矣何必舒州之難死者不可有二子我乎但當知宰我之所以死不必恥則不必諱若以賢于堯舜之語必在身後則是野人之言也

陳闕不可並而云與田常亂雖闕子我亦不受也

端木賜衛人字子貢

附案索隱本引史木作沐疑古字借用經史及諸子中多作子貢左傳稱衛賜錢宮詹曰古人名字必相應說文贛賜也貢獻功也則端木子之字當爲子贛無疑

田常欲作亂於齊

案子貢說齊晉吳越一節家語屈節越絕陳恆傳吳越春秋夫差內傳並載之昔賢歷辨其謬古史曰齊之伐魯本于悼公之怒季姬而非陳恆吳之伐齊本怒悼公之反覆而非子貢吳齊之戰陳乞猶在而恆未任事所記皆非蓋戰國說客設爲子貢之辭以自託于孔氏而太史公信之耳通鑑外紀曰齊魯交兵數矣一不被伐安能存哉田氏弱齊一當吳兵安能亂哉吳不備越而亡勝齊安能破哉四卿擅權晉以衰弱修兵休卒安能彊哉越從吳伐齊滅吳乃強此安能霸哉十年之中魯齊晉未嘗有變吳越不爲是而存亡遷之言華而少實哉日知錄廿六日子石少孔子五十三歲當伐魯之年僅十三四歲耳

此言稍未合以伐魯在哀八年則十歲若在哀十一年則十五歲也

而曰

請行。豈甘羅外黃舍人兒之比乎。方氏補正曰：春秋時郡小  
于縣。定二年傳上大夫受縣，下大夫受郡，是也。此曰發九郡  
兵，則爲後人所設之詞明矣。余謂可駁者不止此。陳氏憚高  
國鮑晏何以欲移兵伐魯。子貢使齊，在哀十五年。魯與齊平  
之後，爲成叛故，何得強相牽引。伍子胥死于戰艾陵後，是時  
尙未賜屬鏤。何云子胥以諫死。此絕無左傳吳獲國書等五  
人。何云獲七將軍。黃池之會，距戰艾陵二年。何言吳王不歸  
以兵臨晉，會盟爭長。吳先于晉。何云晉敗吳師，會黃池歸與  
越平。在哀十三年。越滅吳，在哀廿二年。何云會黃池歸與越  
戰不勝，見殺。越滅吳，稱霸，在孔子卒後七年。何云子貢之出  
孔子使之。五國之事會，與子貢無干。何云子貢存魯，亂齊，破  
吳，彊晉，霸越。自哀八年齊伐魯，至廿二年吳滅越，首尾十五

歲何云十年傾人之邦以存宗國何以爲孔子縱橫排闥不  
顧義理何以爲子貢家語增孔卽其所言了無一實而津津  
道之子胥傳亦有句踐用子貢之謀率衆助吳等語范史荀  
云以衛陽之賢一豈不誕哉墨子非儒下篇謂孔子怒晏子  
說而罷兩國全妄沮尼谿之封于景公適齊欲伐魯乃遣子貢之齊勸田常伐  
吳教高鮑毋得害田常之亂遂勸越伐吳三年之內齊吳破  
國其爲六國時之妄談可見孔鮒詰墨辨之矣或曰弟子傳  
皆短簡不繁獨子貢傳榛蕪不休疑是後人闌入非史本文  
也

### 子貢好廢舉

孫侍講曰子貢列言語之科故造爲歷說齊晉吳越事直似  
儀秦一流人又因論語有貨殖之言故謂其好廢舉轉貨并

列之貨殖傳云子貢廢著鬻財最爲饒益班漢仍史是以爲  
陶朱猗頓一流人子貢聞性道傳一貫與顏曾比奈何以此  
誣之史通雜說篇附學紀聞七竝糾之矣

常相魯衛

案此事無攷與稱孔子相魯全蓋子貢仕于魯衛也

言假吳人字子游少孔子四十五歲

案假說文作𡗗旌旗之游也觀其字子游則名當爲𡗗今作  
假者豈改篆爲隸時始因聲借用歟家語作魯人素檀弓稱  
叔氏四十五歲似當依家語作三十五爲是古人三四兩字  
皆積畫爲之最易譌誤

卜商字子夏少孔子四十四歲

案鄭云溫國人家語云衛人溫元屬衛也從陳蔡時子夏年

十九卽能以文學著奇矣其後年百餘歲爲諸侯師弟子中之早著而最壽者惟卜子而已

### 子夏居西河教授

案後書徐防傳注引史云子夏居西河教弟子三百人與今本異索隱曰子夏文學著于四科序詩傳易又孔子以春秋屬商傳禮著在禮志此竝不論空記論語小事亦其疎也

### 其子死哭之失明

案哭子失明史仍檀弓之妄記說穀梁者遂謂子夏匿聖人之論故喪明

見成五年疏

夫卜子年百餘歲爲魏文侯師失明之人何以爲師乎故論衡禍虛云子夏喪明曾子責以罪熟考

論之虛妄言也遜志齋集辨檀弓云孔子門人曾子最少曾子之父與師商友名而數之非曾子事傳之者過也其辭倨

而慢會子之言怒而謹

顓孫師陳人

附案鄭注檀弓申祥云太史公傳子張姓顓孫今日申祥周秦之聲二者相近未聞孰是正義云謂今不知顓是不知申是也余攷此乃氏而非姓父氏顓孫子氏申父子別氏古人多有之不足爲異鄭云陽城人縣固屬陳左傳陳公子完與顓孫奔齊顓孫自齊來奔子張蓋其後故呂氏春秋尊師篇又云子張魯之郈家也

子張問干祿

附案趙太常佑詩細曰蓋問詩干祿之義見早麓假案問卽是學他日從在陳蔡間因問行

案孔子厄陳蔡年六十三子張少孔子四十八歲則是時子

張才十五歲恐未必從行也。又淳南集辨惑曰：子張問行，孔子語以忠信篤敬。此平居所講明。史謂因陳蔡之困而發，何所據耶？

曾參南武城人字子與

案戰國秦策載兩曾參事。西京雜記述之云：昔魯有兩曾參，南曾參殺人見捕，入以告北曾參母，則曾子爲北武城人歟？南武城爲魯邊邑，在今費縣西南。魯之北有東武城，故云北武城也。又白水碑子與作子與，宋本家語亦作與，而曾子之名論語檀弓釋文云：所金反。一七南反，或與或與，疑莫能定。然似當讀若駢。今多依說文讀若森。見森字注蓋古通讀耳。孝經釋文

作參，所林反，與參字又音全義別。

孔子以爲能通孝道，故授之業作孝經。



案史公蓋以孝經爲孔子作故漢藝文志云孝經者孔子爲  
曾子陳孝道也公羊卷首疏引孝經說云孔子曰春秋屬商  
孝經屬參孝經序疏謂前賢以爲曾參集錄尋繹再三將未  
爲得引鉤命決云孔子曰吾志在春秋行在孝經斯則孔子  
之志行又引劉炫說孔子自作孝經假曾子之言以爲對揚  
之體非曾子實有問也鄭六藝論孔子作孝經以總會之所  
言皆與史不殊而困學紀聞七載胡致堂晁氏馮氏說曰首  
章云仲尼居則非孔子所著矣當是曾子門弟子類而成書  
疑成于子思之手

志在春秋二語亦見何休公羊序

澹臺滅明 少孔子三十九歲

案家語云少四十九歲與史異

狀貌甚惡

附案家語子路初見與弟子解二篇本韓子顯學謂子羽有君子之容故索隱以爲史與家語相反余以畱侯世家論證之似史爲近

旣已受業退而修行

案論語滅明未事孔子而已修行此非也

吾以言取人失之宰予以貌取人失之子羽

案孔子斯言大戴禮五帝德韓子顯學論衡骨相皆有之史公取入畱侯世家論及此傳王肅取入家語子路初見及弟子解淳南集論語辨惑曰此好事者因論語而附會之耳夫子一時忿怒之辭非謂平居一信人言遂信其行也天下之人行不副言者多使隨聽而遽信之所失豈特宰子耶至于以貌取人雖愚夫知其不可而謂聖人爲之乎夫子好惡必

察段譽必試賜之辨師之堂堂曾不足以欺之顏子之愚猶必退省其私何獨於宰予子羽而兩莽如是孫侍御曰家語無吾字蓋泛論取人之道不在言貌史公增一吾字失之矣必不齊字子賤少孔子四十九歲

附案集解孔安國曰魯人顏氏家訓書證篇曰張揖云宓今伏羲氏也孟康漢書古文注亦云宓今伏而皇甫謐云伏羲或謂之宓義諸經史緯候無宓義之號宓字從庀音呼宓字從宀音縣下俱爲宓末世傳寫遂誤以處爲宓而帝王世紀因誤更立名耳孔子弟子處子賤卽處義之後俗字亦爲宓或復加山今兗州永昌郡城東門有子賤碑漢世所立云濟南伏生卽子賤之後是知處之與伏古來通字誤以爲宓較可知矣據顏所辨則子賤之姓久誤爲宓故淮南泰族家語

弟子解竝作密字但攷史籍中伏字多有作宓者如漢書律  
歷志藝文志作宓戲百官表人表作宓義揚雄傳作宓犧而  
藝文志宓子卽子賤師古皆音伏又韓子難言呂氏春秋具  
備察賢竝作宓子賤蓋古借宓爲慮之省文不定是誤因宓  
本音密遂轉誤爲密蜀志秦宓後書方術董扶傳作宓今俗直  
讀子賤之姓作密音豈不謬乎路史國名紀一云慮不齊禮  
月令明堂位宓戲釋文曰宓音密路史後紀曰伏羲之後有  
宓氏通志氏族略曰伏亦作宓宓氏伏羲之後後轉爲密異  
文者其後之人以別族也皆非又攷戰國趙策馮忌稱服子  
淮南齊俗作宓子道藏本是宓字俗本爲密又知宓與服亦通益可證宓  
之當讀伏音也子賤淮南道應稱季子文選潘尼贈河陽詩  
稱慮生至其年數索隱引家語作少孔子四十九歲與史全

今所傳毛本家語無九字索隱引史作三十竝誤又各本史記改索隱元文曰家語少孔子三十歲此云四十九不全妄也

此國有賢不齊者五人

附案此言與家語辨政無異說苑政理亦言之而索隱以爲與家語不全何也

原憲字子思

案檀弓稱仲憲論語稱原思家語云宋人鄭云魯人當以鄭爲信又家語云少孔子三十六歲

公冶長齊人字子長

案釋文引家語長字子張又引范甯云名芝字子長

皇侃疏亦引范

名芝索隱引家語名萇字子長又引范甯云字子芝所說不全

今本家語全史記白水碑云字子之關中金石記曰以芝爲名非也古芝與之全字又家語本論語孔注作魯人未知孰是年無攷後書靈帝紀董卓后紀董卓父名長而河間王開薄作長晉志范陽國長鄉縣魏志作長壽蓋長長古通錢官詹大昕潛研堂金石文跋尾卷二有魏敬史君碑陰題名以長社爲長社

### 南宮括字子容

附案論語作适又稱南容檀弓作南宮縚家語作南宮韜蓋南容有二名括與适縚與韜字之通也自世本誤以南宮縚爲仲孫說于是孔安國注論語康成注禮記陸德明釋文小司馬索隱朱子集註竝因其誤朱子本世族譜以敬叔爲懿昭十一年傳泉邱女先生懿子後生敬叔且嫡長以嗣得懿氏次得更之敬更氏南宮者也且兄伯而弟叔敬叔叔也又集有答柴隆升書云南宮敬叔不朱氏彝尊經義考載明夏是懿子之兄也說本魯語韜注是朱氏彝尊經義考載明夏洪基孔門弟子傳略辨南宮括縚字子容是一人孟僖子之

子仲孫說問古通義廿五年南宮敬叔是一人確鑿可從四

齊世家南宮敬叔居南宮若容則祇是舊

姓南宮不長萬類也又答柴書云南宮乃是南宮適

即南宮敬叔不然天下豈有一人而數名者乎朱氏又

據漢書人表列南容于上下等列南宮敬叔於中上明其非

一人師古以敬叔為通誤兼引宋馮繼先春秋名號歸一圖仲孫閱即

南宮敬叔而不及括紹為證固未可混而為一且敬叔乃公

族與家語及王肅論語注稱容為魯人者大別矣其年無考

集解孔安國曰容魯人

公哲哀字季次

案索隱引家語作公哲克一本作克而今家語作公析哀蓋

公哲氏也古哲哲通寫而析與哲通左傳蛾析鄧析釋文作

蛾哲鹽鐵論疾貪作鄧哲隸釋樊敏碑哲為韓魏俱可互證

剋卽克字疑哀之譌文家語季次作季沉以游俠傳徵之則季沉誤已家語云齊人年無考

曾蒧字哲

案蒧卽點字家語云字子哲此脫子字白水碑作子哲蓋哲哲皆古省文通借但曾點之字當從析下白相承誤从日耳年無考

顏無繇字路

案家語少無字繇作由字之通也而索隱引家語字路與史全今本皆作季路魯峻壁白水碑竝稱子路疑誤加之家語云少孔子六歲

商瞿魯人

附案楊慎丹鉛錄云世本石室圖作商瞿上宋景文公成都



先賢贊以爲蜀人路史及輿地紀瞿上城在雙流此說殊不足信今雙流縣東有商瞿祠墓疑出後人附會蓋孔門弟子無自蜀來者且其時蜀道亦未通師古儒林傳注云商瞿姓也誤以爲複姓

孔子傳易于瞿瞿傳楚人馯臂子弘弘傳江東人矯子庸疵疵傳燕人周子家豎豎傳淳于人光子采羽羽傳齊人田子莊何案漢儒林傳瞿受易孔子以授魯橋庇子庸子庸授江東馯臂子弓子弓授燕周醜子家子家授東武孫虞子乘子乘授齊田何子莊一本作裝譌不但里居姓名不全傳授亦互異疑史公誤故陸氏釋文孔氏周易正義論竝從漢書爲說

何元朔中以治易爲漢中大夫

案史漢儒林傳皆作元光此朔字誤至漢傳作大中大夫則

誤增大字也

高柴字子羔少孔子三十歲

案檀弓上疏引史作子皐左哀十七稱季羔檀弓兩稱子皐

一稱季子皐論語釋文引家語作子高今家語作子羔魯峻壁作夫

子高夫乃季字之剝落也蓋羔皐古通用已見檀弓下疏而

皐與高又通故禮運皐某復家語問禮篇作高左哀廿一魯

人之皐呂氏春秋知化注引作高惠氏補注曰高皐通見釋

名左通見呂氏春秋知化注引作高皐家語以高與羔皐全檀

弓上下疏兩引史云鄭人今本無鄭云魏人家語云齊人高

氏之別族路史後紀四注云高侯裔孫恭仲柴未知恭仲所

本家語作少孔子四十歲與史異檀弓下注云或氏季恐非季亦其字也

子羔長不盈五尺

案家語作六尺盈字失避諱

爲費邱宰

案邱字衍

漆彫開字子開

案漆雕氏之名字多有不全漢藝文志及人表作名彫家語作字子若白水碑作字子修藝文志考證云名彫字子開史避景帝諱也論語注以開爲名閻氏四書釋地三續亦云上開本彫字避景帝諱蓋自安國注論語開名流俗本家語開字子若者失之然則子若子修皆誤耳家語云少孔子十一歲鄭云魯人而家語謂蔡人

宋楊簡先聖大訓以開爲憑尤非

公伯僚字子周

案僚論語作寮而索隱謂亦作遼古通用字見隸釋楊君石

門頌及楊統碑惟索隱引史作繚與今本異豈又以音全借用歟其年無考然僚有愬子路一事先儒之依史者祇馬融一人其注論語云魯人弟子也朱氏攷力主其說謂未可以一背掩生平而索隱引古史攷云非弟子之流後賢皆避之廣韻注亦但稱魯大夫不言是弟子困學紀聞七曰公伯寮非孔子弟子乃季氏之黨致堂胡氏之說當矣家語不列其名氏蓋自史記失之至明嘉靖時始罷其配食見明史禮志然則史公所見弟子籍詎有竄入耶朱氏考謂文翁圖有

司馬耕字子牛

案孔安國注論語云宋人輟耕錄載張孟兼弟子章句作司馬黎耕孔注作司馬犁蓋子牛有二名年無攷

樊須字子遲少孔子三十六歲

案鄭云齊人家語云魯人未知孰是又家語作少孔子四十六歲恐誤索隱引史作字遲疑亦脫子字而白水碑分樊須樊遲爲二人謂須字子達遲字子緩單文孤證未知何據關中金石記以爲非是王孝廉曰以論語學稼章證之則作兩人者其誤顯然

有若少孔子十三歲

案家語云魯人字子有索隱曰家語少孔子三十三歲此傳四十二歲據檀弓上疏二而今史記作十三家語作三十六雖有舛誤何不全若是觀弟子欲立爲師一事有若之年與孔子當不甚遠十三歲是

孔子既沒弟子思慕有若狀似孔子弟子相與共立爲師

案史通鑒識云遷稱宣尼既殂門人推奉有若其言鄙甚又

暗惑云。退老西河。取疑夫子。猶使投杖謝愆。何肯公然自欺。詐相承奉。此兒童所爲。得自委巷。余謂弟子師有若。尚或情事所有。李維禎史通評曰。羣弟子慕師之切。故見其似者而悚然以慕。如孔北海見虎賁中郎將。便與蔡邕對面一般。斯評頗近理。然所謂似者。非狀似也。困學紀聞七曰。此太史公采雜說之謬。孟子有若似聖人。朱子云。蓋其言行氣象有似之者。如檀弓有若言似夫子之類。豈貌之似哉。容齋隨筆曰。門人所傳者。道也。豈應以狀貌之似而師之乎。日知錄十四曰。孟子不曰有若似孔子。而曰有若似聖人。史乃云有若狀似孔子。謬甚。

他日弟子進問曰。昔夫子當行使弟子持雨具。

案問雨具事。此云弟子。而家語作巫馬施。論衡明雩作子路。

皆因事屬無稽故言各不全耳

有若默然無以應弟子起曰有子避之此非子之座也

案賢如有若必不僭居師座弟子亦必不因不答所問卽令避座古史曰月宿畢而雨不應商瞿四十而生五子此卜祝之事鄒儒所以謂孔子聖人者戰國雜說類此多矣困學紀聞十一云宋景文公曰此鄒魯間野人語耳觀孟子書則始嘗謀之後弗克舉安有撤座之論容齋隨筆曰此兩事近于星歷卜祝之學何足以爲聖人而孔子言之有若不能知何所加損而弟子遽以是斥退之乎孟子稱子夏子游子張以有若似聖人欲以所事孔子事之曾子不可未嘗深詆也論語記有子之言爲第二章在曾子前檀弓載子游曰有子之言似夫子其爲門弟子所敬久矣太史公之書于是爲失

公西赤字子華

案鄭云魯人

巫馬施字子旗

案家語作字子期此作旗者說文施旗也故齊欒施字子旗而期與旗古通左昭十三令尹子旗楚語下作子期定四傳子期呂覽高義注作子旗戰國秦策中期推琴史魏世家作中旗皆其證也又鄭以施爲魯人家語云陳人

梁鱣字叔魚少孔子二十九歲

案集解鱣一作鯉魯峻壁白水碑作字子魚又家語云少孔

子三十九歲均疑莫能定也家語云齊人元伊世珍瑤媛記引賈子說林云鱣

母秦氏大雨中見火光自天降中躍一物赤色形若鰭飛入室中卽不見是夜生鱣故名

顏幸字子柳少孔子四十六歲



案索隱曰家語字柳禮記有顏柳或此人但攷毛本家語作顏幸字子柳宋本作辛宋史禮志亦作辛白水碑作幸疑幸字誤至宋潛說友咸淳臨安志作韋恐亦以形近致譌而唐志通典通考俱作顏柳蓋從檀弓人表誤以字爲名也若白水碑云字子炆恐非字書無炆字又索隱引家語云少孔子三十六歲而今本家語與史全未知孰是鄭云魯人

冉孺字子魯

案集解云魯一作曾攷索隱引家語字子魯魯人作冉孺而今所見家語作孺字子魚唐志通考真宗詔竝作孺白水碑作冉孺字子曾疑孺爲儒之譌而魚與曾爲魯之譌也

曹卹字子循

案史與家語不著曹子何地人朱氏弟子攷闕里文獻攷據

宋封上蔡侯定爲蔡人未知確否

伯虔字子析

案索隱引史作子析又曰家語作伯處字子哲正義引家語作子哲攷今家語伯虔字措與索隱正義所說又別古史作子析白水碑作子哲余謂伯子實名虔宜字子析析其變文也古木旁與手旁通用文選謝惠連西陵遇風詩今宿浙江注謂卽浙江哲哲二字因與折全音通借白水碑書十哲爲十折處與措乃譌耳朱氏考云史記家語不著何地人咸淳臨安志云魯人宋思陵贊曰有虔子析全魯之彥當必有所本紹興二十六年高宗御製七十二子贊并書今石刻存

公孫龍字子石

案索隱曰家語或作寵又云鄭案字子石則礬或非謬攷寵龍古通而各處無作礬者疑相承譌脫抑省文通借白水碑

作公孫龍石矣。鄭云楚人家語作衛人。唐宋封爵從鄭氏。至索隱正義以趙人談堅白者當之。則誤甚。趙公孫龍在平原君門。與子思元孫孔穿全時。安得以爲孔子弟子。蓋自以公孫龍爲公孫龍。致有李代桃僵之說耳。

自子石已右三十五人。顯有年名及受業聞見於書傳其四十二人。無年及不見書傳者紀于左。

案三十五人中無年者十二人。不見書傳者五人。而四十二人中有年及見書傳者。若顏驕公良儒秦商申棖叔仲會五人。史公疎也。

冉季字子產

案索隱引家語云字產。今本與史全。唐志作冉季產。闕里文獻考云。或作子達。鄭云魯人。

公祖句茲字子之

案家語無句字白水碑作公祖句字茲之朱氏考及闕里考俱云魯人

秦祖字子南

案索隱本無子字鄭云秦人

漆雕哆字子斂

案唐志作漆雕斂魯峻壁作求子斂洪氏曰求字是泰字之省文鄭云魯人

顏高字子驥

案顏子之名字索隱引家語名產通典字子精孔子世家漢書人表及今家語竝作顏刻包咸論語注及莊子秋水釋文竝作剋論語釋文又云或作亥蓋剋刻古通亥卽刻字脫其

半名產字子精。或顏名字有二，亦未可知。而此所書名高，似誤。左傳定八年陽州之役，有顏高。弓六鈞，傳觀之。顏氏家訓誠兵云：春秋之世，顏高、顏鳴、顏羽之徒，皆一闕夫耳。顏氏爲魯望族，不應全族全名。一時有二高，自史誤以刻爲高。王厚齋遂謂陽州之顏高，卽弟子顏驕。故困學紀聞六云：古者文武全方，冉有用矛，樊遲爲右。有若與微虎之宵攻，則顏高以挽強名，無足怪。此說殊謬。家語謂少孔子五十歲，是生于定九年。其非定八年斃陽州之顏高，明甚。而經史問答六謂陽州是別一顏高，亦非也。又史正義云：孔子在衛，南子招夫子爲次乘。顏高爲御，蓋本于家語而改刻爲高耳。然家語少五十歲之言，亦不可信。孔子過匡，在定十四年。倘少五十，其時纔六齡，安能爲師御車乎？又攷孔子世家，顏刻爲御，在過匡

時若爲南子次乘則未嘗及刻王肅妄以刻之爲御過匡撮合於在衛爲次乘之僕張守節誤據之

### 漆雕徒父

案索隱引家語字固今家語名從字子文白水碑作漆雕期宋高宗贊作字子期闕里考云或字子有或作子友未審孰是蓋魯人也

### 壤駟赤字子徒

案索隱本無子字而引家語作子徒則今家語作穰與壤駟全赤字子從者誤也鄭云秦人廣韻壤駟複姓

### 商澤

案索隱本作石高澤引家語字季集解引家語作子季而各處無作石高澤者今家語作字子秀莫定孰是朱氏考云魯

人

石作蜀字子明

案石作複姓見廣韻及通志闕里考謂古本家語作石之蜀非也索隱本無子字又云家語全而今本竝作子明今家語爲石爲

右未詳何地人

任不齊字選

案家語作子選鄭云楚人

公良孺字子正

案索隱云家語作良孺鄭誕本作公襄孺蓋孺乃儒之譌公襄爲公良之譌公良複姓今家語與史全鄭云陳人

后處字子里

案索隱本及家語無子字今家語作石處朱氏考以石爲誤

鄭云齊人

宋本家語及張孟兼作里之

秦冉字開

案通考眞宗詔作秦甯白水碑作秦寮疑莫能定又通典作子開未詳何地人

公夏首字乘

案索隱謂家語全而今家語作公夏守字子乘疑首字誤乃唐宋志竝作首通典作守通考於唐之封作守宋之封作首豈古以音全借用耶鄭云魯人

奚容箴字子哲

案索隱謂家語全今家語作奚箴字子楷攷奚容複姓今家語脫容字箴乃箴之譌卽點字宋史咸淳詔作奚容點是已而所以譌爲箴者因箴通作職音遂省借用之說文言古人



名默字哲可證古史亦楷字之誤猶伯子折之譌措也奚容  
子與曾子父全名字正義云衛人闕里考云魯人

公堅定字子中

案索隱引史記家語作公肩定字中通典引史亦作肩與今本別蓋

堅字誤已今家語作公賓字子仲通志作公齊定竝誤公肩  
複姓也鄭云魯人集解或曰晉人闕里考或曰衛人余謂禮  
記魯有公肩假鄭注是

顏祖字襄

案家語作顏相字子襄未知孰是正義曰魯人

鄭單字子家

案徐廣曰一云鄭單蓋鄭字誤以邑爲氏疑是晉人家語所  
謂懸竄字子象者懸爲鄆之譌卽鄭字單竄古通索隱引家語作懸豐

廣韻注作懸而家乃象之譌魯峻壁作子象也因學紀聞七  
謂唐宋封爵皆不及因疑檀弓之縣子爲亶大謬縣子自名  
瑣豈可混而一之唐贈單銅鞮伯宋贈聊城侯何云未及緣  
不知鄒單之卽縣亶故耳何孟春遂欲請贈縣亶爵號列諸  
從祀說在餘冬敘錄而朱氏考依廣韻注以縣亶父次爲孔  
子門人皆未細覈也

句井疆

案句子之名廣韻通志無井字闕里考謂字子界或云闕里  
舊志字子野山東志字子孟恐皆不可信鄭云衛人

罕父黑字子索

案索隱引家語作罕父黑字索而今家語作宰父黑字子索  
罕乃宰之譌廣韻父字注作宰父也明瞿九思孔廟禮樂考

曰宰父出魯郡爲複姓通志萬姓譜皆無宰父氏古人多以官爲氏宰父卽宰氏右宰氏之類史記誤

秦商字子丕

秦商卽左傳秦董父之子丕茲也釋文云一本作秦不茲秦字相似而譌丕與不全索隱引家語作丕慈正義引作丕茲而今家語作不慈古亦通用春秋僖四年五年公孫茲廿三年宋公茲父公羊俱作慈可證史記誤倒其文而譌茲爲子耳鄭云楚人家語云魯人言魯者是又家語云少孔子四歲朱氏考曰高郵夏氏弟子記略及闕里廣志皆云商少孔子四十歲然秦子父董父偃陽之役與叔梁紇俱以力聞宜與孔子生年相近今據家語舊聞暨史記索隱蘇氏古史正之

申黨字周

案申子之名史作黨索隱本作堂引家語作繚而今家語作績論語釋文邢疏引史作棠引鄭康成注及家語作績困學紀聞七引家語作績朱氏考引禮殿圖作儻與黨全而實卽論語之申根也攷古庚陽合韻根從長得聲故根棠堂三字通用詩鄭風俟我乎堂箋云堂堂爲根隸續王政碑申棠之欲文選魯靈光殿賦注齊或作根與棠堂字形亦近左定五傳堂谿氏吳越春秋二劉晝新論慎言廣韻注竝作棠昭二十傳棠君尚廣韻注引風俗通作堂他若史漢表陳嬰封堂邑侯列女傳作棠漢書王子表堂鄉侯恢乃郡國志卽墨之棠鄉後書鄧晨小子棠水經沔水注作堂隸釋魯峻碑棠棠忠惠洪氏云堂作棠他碑亦有之隸辨云嚴新碑棠棠容顏均足爲驗而黨儻兩字乃傳寫之譌困學

紀聞以黨蓋申子有根續二名續通作續左昭元年遠續禹

功文選三國名臣序及五等論注俱引作遠續穀梁成五傳

伯尊無績釋文本或作續晉書天文志馬續作馬績隸釋李

翕邨閣頌以厥績為厥續可以取證而繚續兩字亦傳寫訛

耳盧學士文弼論語釋文攷證云說文以廣為古又論語釋

續字是續即廣與根聲相近此又一說亦通又論語釋

文邢疏及索隱皆引家語字周則今家語作子周是妄增為

雙字白水碑咸淳臨安志作子續則因名續而誤也自申子

名字相傳參錯白水碑唐宋封爵遂列申棠申根為二人何

異白水碑之分樊遲樊須琴牢琴張唐追封亦二而朱氏主

二人之說以為有舉莫廢不知鄭注以申根為申續必非無

據是以陸德明王應麟以及何孟春夏洪基皆從之尚何疑

哉閻氏尚書疏證八曰程篁墩

名敏政明宏治初元上疏議孔子廟廷祀典

以申

棖卽申黨宜存棖去黨以合論語蘧伯玉改祀于鄉最爲論  
之持平無庸更議嘉靖九年始除祀論語注包曰魯人

顏之僕字叔

案家語及白水碑作子叔鄭云魯人

榮旂字子祺

案索隱本直作榮子祺引家語云榮祈字子顏今家語作榮  
祈字子祺蓋旂爲祈之誤而祺之爲顏或亦傳寫譌耳闕里  
考引家語作榮祁古史作榮析通典通考作子期真宗詔唐  
志作榮子旗並誤朱氏考云魯人

縣成字子祺

案通志氏族略三引風俗通作縣成父索隱引家語作子謀  
今家語作子橫魯峻壁作子期白水碑作子旗似謀字是也

鄭云魯人

左人郢字行

案索隱謂家語與史全則今家語作左郢字子行誤也廣韻注通志言左人複姓出魯郡故鄭云魯人魯峻壁作左子行誤

燕伋字思

案索隱本作字思謂家語全而今家語字子思蓋思爲譌寫此又缺子字也白水碑是子思闕里考曰魯人

鄭國字子徒

案索隱引家語云字徒則今本作子從誤猶壤駟子徒之譌子從也當作子徒非單字惟家語以鄭國爲薛邦索隱云作國者避高祖諱薛鄭字誤夫改邦作國禮所宜然而鄭薛二姓莫知

誰誤索隱殊欠分明以白水碑及古史證之似薛爲誤白水碑作  
鄭虎從又而瞿九思曰史易邦爲國又以薛國音近不便讀  
復展轉更易遂至移邦字右旁于姓而易薛爲鄭則又似鄭  
爲誤俟考至朱氏依張孟兼章句以爲兩人恐難信朱云魯  
人

秦非字子之

案鄭云魯人

施之常字子恆

案恆何以不諱唐志通典無之字白水碑作施常思豈又單  
字思乎朱氏考云魯人

顏喻字子聲

案白水碑作會鄭云魯人



步叔乘字子車

案白水碑作款乘字子季未知何據但諸書並從史作步叔氏誤也廣韻注作少叔氏有太叔仲叔卽有少叔朱氏辨之矣鄭云齊人

原亢籍

案文當云字籍史脫之索隱引家語與史全而今家語作原抗字子籍朱氏考引家語作伉正義亢又作亢仁勇反並誤也原子必原思之族當是魯人

樂欬字子聲

案索隱云家語全而通典作樂顏朱氏疑卽左傳定十二年之樂頎豈三名皆誤歟再考正義曰魯人

廉絜字庸

案索隱本作子庸。今家語作子曹，譌也。鄭云衛人。

叔仲會字子期

案白水碑稱款仲會與少叔乘之，稱款乘全，不得其解。魯峻壁作字子其，古通用。隸續武梁畫象以樊於期爲於其，可證鄭云晉人家語魯人，據其孺子時執筆待孔子，則魯人爲信也。又索隱引家語云少孔子五十四歲，而今本作少四十，未知孰是。

顏何字冉

案顏氏家訓諷兵篇稱仲尼門徒七十二，顏氏居八，蓋據史傳言之也。此外有顏淵、鄒顏、漆叟，又索隱謂史記與家語皆七十七人，而今家語止七十六，細校少顏何一人。然索隱于顏何下引家語云字稱方悟，是今本之缺，而又以知顏何字

稱不字冉。史記傳寫脫其半。白水碑亦誤作冉也。鄭云魯人狄黑字哲。

案家語字哲之衛人。白水碑狄作妒。音義未詳宋史志咸淳詔黑作墨。不但其字之單雙不全。卽姓名亦異。疑莫能明也。

邾異字子斂

案索隱本作邾異。又云家語異作選。字子斂。文翁圖作國選。蓋避漢諱改。劉氏作邾異。音圭。所見各異。因考今家語與今史傳全。白水碑作邾異。字子斂。通典通考宋史志並作邾異。疑欽爲斂之譌。選爲異之譌。邾及國爲邾之譌。蓋異與斂字義協也。後人傳寫以邾與邾字相近而易邾爲邾。又或取邾與國義相當而轉邾爲國。均未可知。索隱不足全信。瞿九思反欲更邾異爲邾選。未免一孔之見。鄭云魯人。

孔忠

案索隱引家語云忠字子蔑孔子兄之子也古史作孔弟通考作孔忠竝誤

公西與如字子上

案索隱謂史與家語全而今家語作公西與白水碑全唐志通典作與如通考作舉如古史作公西與當以與如爲定古與與二字每以形近而誤如汝南縣平與王翦傳譌平與左傳襄二年正與子十年伯與三十一展與釋文又作與成十一伯與昭十四庚與釋文亦作與也朱氏考云齊人闕里考云魯人以公西華證之則魯人是曾子之字亦不全

公西歲字子上

案歲乃歲之譌宋史志咸淳詔作點也索隱通考誤作箴毛

本家語誤作減唐志誤作藏家語字子尚與上全詩上慎旃  
哉可證鄭云魯人

釣之未覩厥容貌 余以弟子名姓文字悉取論語弟子問  
渚南集辨惑曰論人者亦據其行事而已豈必容貌之覩且  
遷所引雜說鄙事有不足信矣又豈皆論語之所載也

史記志疑卷二十九

梁玉繩

商君列傳第八

事魏相公叔座

附案索隱座音在戈反。魏策及呂氏春秋長見作痊。蓋古通用。春秋襄廿六年宋世子痊。穀梁作座。魏策魏世家范痊。漢書人表作座。六國表赧王三年楚景座。韓世家徐廣作痊。隸釋孟郁修堯廟碑跋云。广之類多從疒也。

爲中庶子

案國策及呂子長見篇皆云御庶子。

吾說公以帝道 吾說公以王道

渾南集辨惑曰。皇降而帝。帝降而王。名號之異耳。堯舜揖讓。湯武征誅。世變之殊耳。若夫其道則未嘗不一。而商鞅乃謂

初以帝道再以王道。魏徵亦云行帝道而帝行王道而王。鄭厚又云王道備而帝德銷。皆淺陋之見也。

且夫有高人之行者固見非於世。有獨知之慮者必見敖於民。

附案索隱本引商君書謂非作負敖作驚。

各本史記中索隱作驚非而今

本商子作必見非於世。因見毀於民。與索隱所引不全。攷後漢書馮衍傳引此文云有高人之行。負非于世。有獨見之慮。見贊于人。李賢注曰語見史記商君傳。贊猶惡也。史記贊作疑。又與今本史記不全。

新序善謀作見贊

以衛鞅爲左庶長

案紀以鞅爲左庶長在變法後。當孝公五年。此在變法前。則是孝公三年矣。恐非。

各以卒受上爵

附案史詮曰湖本率音律作卒誤

將兵圍魏安邑降之

案安邑字誤當作固陽說在秦紀

作爲築冀闕宮庭於咸陽

董份曰既云作爲又云築何也恐有衍字王孝廉曰疑是築冀闕作爲宮庭於咸陽

天子致胙於孝公

案紀表胙當作伯

乃使使割河西之地獻於秦以和

案魏惠王獻河西在後說在始皇紀論中

商君相秦十年

案十年誤孰以孝公元年入秦三年變法五年爲左庶長十



年爲大良造廿二年封商君廿四年孝公卒鞅死則十年以何者爲始索隱引秦策作十八年亦不合今本國策疑當作二十年自爲左庶長數之也

夫五穀大夫荆之鄙人也

案孟子曰百里奚虞人非荆人正義謂宛人亦非

自粥於秦客

案自粥之妄已說在秦紀

相秦六七年而東伐鄭三置晉國之君一救荆國之禍

案奚之爲相未知的在秦穆何年然以伐鄭楚三置晉君言之則首尾已二十年何云六七年也救謂救晉

持矛而操閭戟者

附案徐廣云一作寮屈盧之勁矛干將之雄戟與文選吳都

賦注引史全蓋異本也

去之魏魏人怨其欺公子卬而破魏師弗受

附案呂氏春秋無義篇云秦惠王疑公孫鞅欲加罪鞅以其

私屬與母歸魏襄庇不受

襄庇今本作莊古廣多通竹書顯王廿五年有獲庇疑卽此人竹

書一本作庇一本作莊恐皆譌別有說在十曰以君之反公

二侯表莊王八年及建元侯表順梁侯下

子卬也注惠王殺鞅車裂之何得以其私屬與母歸魏而不

見受乎公子卬家何不取而殺之推此言之復歸魏妄矣孫

侍御曰合呂子史記觀之蓋實有走魏事呂氏去商君時尤

近似非妄也

蘇秦列傳第九

出游數歲大困而歸兄弟嫂妹妻妾竊皆笑之

案國策此語在說秦王之後史置于說秦王前誤也

求說周顯王

案周室微弱何可爲藉策亦無秦說周事恐妄

西有漢中南有巴蜀

案國策西有巴蜀漢中之利南有巫山黔中之限此殆非也而時諸郡未屬秦不知蘇子何以稱焉

趙肅侯令其弟成爲相號奉陽君

案公子成封安平君明載趙世家成並不封奉陽奉陽君是

李兌李兌之前趙先有奉陽君

失其名

國策吳注辨之頗詳自

史公誤以成爲奉陽君則成逮事惠文蘇秦當肅侯之世安

得言奉陽君捐館舍乎且蘇秦死張儀說武靈王武靈亦云

先王之時奉陽君蔽欺先王又安得言奉陽君死蘇秦乃說

肅侯乎古史覺其說之不通故敘蘇秦說趙一節削去捐館

之語大事記從之而不知奉陽之非公于成也李兌亦非卒于肅侯時其所謂奉陽君吳注以爲別一人甚確號全人異并可強合六國時封號多重如蘇秦封武安君後又有李牧是其類也荀子臣道篇注引後語國策辨公子成非奉陽君較古史爲有識而不知蘇秦所值者別一奉陽君耳

車六百乘騎六千匹粟支數年

案國策作車七百乘支粟二年而二字譌索隱引作十年請別白黑

案趙策曰請屏左右自言

封侯貴戚湯武之所以放弑而爭也

吳師道曰此非所以言湯武蓋游士之辭

據衛取淇卷

案策無卷字疑衍

趙地方二千餘里

案策作三千里

臣聞堯無三夫之分舜無咫尺之地以有天下禹無百人之聚以王諸侯

路史後紀十一注曰堯發于諸侯而蘇秦云堯無三夫之分

舜無咫尺之地禹無百人之聚淮南子云堯無百夫之郭舜

無植錐之地淮南子論百夫作置禹無十人之衆作文者之常蔽

吳注趙策曰此說士無據之詞且舜本帝後有國于虞其側

微特在下爾禹乃崇伯鯀子亦有國土者枚乘書舜無立錐

之地禹無十戶之聚李善注引韓子皆此類見韓子安危篇

湯武之士不過三千

案下文武王卒三千人竝非說在周紀

前有樓闕軒轅

日知錄廿七日當作軒縣周禮小胥正樂縣之位王宮縣諸侯軒縣注謂闕其南面

魏塞其道趙涉河博關

案國策云魏塞午道趙涉河漳博關此有脫誤

齊涉清河

案策作渤海

取魏之雕陰

案秦魏雕陰之戰在蘇子約從後五年當秦惠王之八年此敘于約從前甚誤

於是說韓宣惠王

案惠字衍說見表此篇韓策置于昭侯時是也鮑注云合在昭侯二十五年宣之元年從已解矣

合購

附案此韓寶劍名策作合伯故徐云一作伯索隱引春秋後語作合相疑相乃柏之譌柏伯古通

寧爲雞口無爲牛後

附案顏氏家訓書證謂當作雞尸牛從引延篤國策注云尸雞中主從牛子索隱及宋羅願爾雅翼釋從沈括筆談並言之然非也餘冬敘錄云口後韻叶如寧爲秋霜母爲檻羊之類古語自如此

新都

案魏策無此二字是也

周書曰緜緜不絕蔓蔓奈何毫釐不伐將用斧柯

附案此見周書和寤解武王之言也而姜子守土賈子審微說苑敬慎家語觀周皆與策史小異是爲金人之銘路史後紀據金匱謂黃帝所作也

郇陽

索隱曰當是新陽聲近字變耳汝南有新陽徐云順陽蓋疎患至其後憂之

案策作而後是

擬於王者

附案索隱本作疑

秦兵不敢窺函谷關十五年

案蘇子初說燕從約至齊魏伐趙而從約解首尾止三年耳



安得十五年不窺函谷哉通鑑考異及古史謂說客浮語誇大蘇秦而云爾張儀范雎傳亦有此語竝妄也秦策蘇子言齊宣王攻函谷秦十年遠迷又言秦昭王解兵不出二十九年不相攻其妄政類

不肯爲武王臣不受封侯而餓死首陽山下

案伯夷餓死辨在夷傳

說湣王厚葬以明孝

案張儀傳說楚王曰蘇秦陰與燕王謀伐破齊而分其地乃詳有罪出走入齊齊王因受而相之居二年而覺齊王大怒車裂蘇秦于市游說之言雖未可盡信然徐廣謂蘇秦爲齊客卿在燕易王之十年時而儀傳云居二年秦死則其死在易王末年當齊宣王廿二年周顯王四十八年張儀于周慎是時蘇秦之除謀不可成語則知秦死久矣而大事安得記反据此以爲秦死于慎觀四年亦非蓋誤後四年也

有說潛王厚葬之事乎。

蘇秦且死

案秦死齊宣王時。史誤減宣十年。以加潛王。故以爲死潛王時。爾攷策有云。蘇秦死而齊宣王復用蘇代。史公取入燕世家。此秦不死潛王時之的據。而加減宣潛年數之誤。亦因可證矣。

蘇秦之弟曰代代弟蘇厲

案史論言兄弟三人。蓋稱其顯名者耳。索隱引譙周及典略。以爲兄弟五人。更有蘇辟蘇鶴。秦最少。據秦策蘇秦有嫂而呼爲季子。上文一則曰兄弟嫂妹。一則曰昆弟妻嫂。似秦居第四。乃燕策及史又以代厲爲秦弟何也。

代乃求見燕王欲襲故事

案此誤仍燕策以爲代說子噲耳。代爲燕問齊以報讎。非子噲時明甚。且其言曰齊舉五千乘之大宋。包十二諸侯。又曰彼德燕而輕亡宋。夫齊之滅宋在齊湣廿八年。當燕昭廿六年。而包十二諸侯。卽田完世家所書泗上諸侯鄒魯之君皆稱臣者。則代之說燕更在齊滅宋之後。尚安得子噲耶。正義及國策吳注俱言策史全誤。大事記云策載蘇代說燕誤以爲噲。使噲能有志如是。豈至覆國論其世攷其事。皆說燕昭之辭也。

北與燕人戰。覆三軍。得二將。

案此齊與燕戰事。無攷。鮑注策云史並不書。

燕乃使一子質於齊。

案燕策作燕王之弟質齊。疑此誤也。蓋代之說燕必燕昭時。

事此質子應是王噲之子昭王之弟

而蘇厲因燕質子而求見齊王

案燕策此另一事故曰初蘇秦弟厲因燕質子而求見齊王  
史誤連接爲一遂若厲所因之質子卽代所說之質子矣  
齊伐宋宋急蘇代乃遣燕昭王書

案上文說魏事在齊滅宋後故曰請以宋封涇陽君而此復  
言宋急何也書中所言是齊滅宋後勸燕尊齊擯秦而說秦  
以伐齊非將伐宋時事策史俱誤矣且上文齊說魏出蘇代  
蘇代之宋在王噲策而此齊伐宋一章在昭王策時既不全  
文亦各篇史采國策連接其下尤爲失之吳師道云代爲燕  
問齊勸之伐宋見于策者可考史在田完世家是宋未滅時代已至  
燕豈至此時尚留宋而爲之說燕哉

夫破宋句殘楚淮北句肥大齊

附案史詮曰湖本句讀非也

我舉安邑塞女戟韓氏太原卷

索隱曰女戟在太行山之西韓氏韓國宜陽也魏地不至太原亦無別名太原者蓋太衍字原當爲京京及卷皆屬榮陽正義曰劉伯莊云太原當爲太行

我下軹道

附案索隱曰軹是河內縣道亦衍字徐廣引霸陵軹道亭非魏之境蓋誤趙太常云道字不必衍當屬南陽封冀爲句余攷竹書顯王十一年魏取枳道則河內枳亦稱枳道也

致蘭石

燕策吳注曰據文石上恐有離字

至公子延

索隱曰至當爲質

兵傷於譙石遇敗於陽馬

附案譙石陽馬趙之地名策作離石馬陵疑誤

高商之戰

集解曰此戰事不見

張儀列傳第十

張儀既相秦

案儀爲相在惠王十年是時初用于秦非相也此誤

其蜀相攻擊

案伐蜀在惠王後九年此誤在前十年之前又索隱言巴誤

作其非

塞斜谷之口

附案索隱本作什谷是湖本譌斜谷策作轅轅緱氏之口語雖不全其地相近一在河南鞏縣一在緱氏縣東南轅轅關也通鑑地理通釋曰郡國志鞏縣有尋谷水徐廣云什一作尋成臯鞏縣有尋口尋什聲近故其名異水經注謂之洛汭郡縣志謂之洛口新序善謀亦作什谷

貶蜀王更號爲侯

案此語本國策攷紀表及華陽志皆云王死蜀滅無貶號之事當是因封公子通爲蜀侯而誤

使公子華

案六國表華作桑說在表

魏因八上郡少梁附秦惠王

案紀表及魏世家是年入上郡于秦無少梁二字魏之少梁已于秦孝公八年取之矣此時尚安得少梁乎與表言秦惠八年魏入少梁全誤

更名少梁曰夏陽

案秦紀更名在惠王十一年此在十年非

取陝築上郡塞其後二年使與齊楚之相會齧桑

案紀表及魏與田完世家齧桑之會在取陝之明年此云後二年誤又但舉齊楚而不及魏說在紀中

而魏襄王卒哀王立

案襄當作惠哀當作襄已說見表下哀王全

齊又來敗魏於觀津

案當作觀澤說在表



先敗韓申差軍

案但言申差而不言太子與又不及鯁說在秦紀

從鄭至梁二百餘里

案策作從鄭至梁不過百里從陳至梁二百餘里此有脫誤  
通鑑地理通釋曰九域志鄭州至東京一百四十里陳州至  
東京二百四十五里

守亭鄣者不下十萬

案策云守亭鄣者參列粟糧漕庾不下十萬此亦脫缺

據卷衍酸棗

附案國策衍下有燕正義亦有故云燕滑州胙城縣蓋傳寫  
失之

借宋之符北罵齊王

案此語可疑。罵齊何必用符。而楚自有符。亦何必借宋符乎。  
秦齊共攻楚

附案此仍秦策。各處不言齊共攻也。大事記曰。蓋齊怨楚而  
助秦耳。

於是楚割兩城以與秦平

案藍田之戰。各處皆無割城事。恐非實。

秦要楚欲得黔中地

案楚世家屈原傳言分漢中。說在世家。

秦王甚愛張儀而不欲出之

案索隱言不字當作必是也。策作秦王欲出之。正義解爲秦  
王不欲出張儀使楚非。

以美人聘楚

案策云秦王有愛女而美欲內之楚王

楚王重地尊秦

案此乃靳尚對鄭袖語不應稱楚王下文張儀說懷王述漢中之戰亦曰楚王大怒蓋史公仍國策未及改之吳師道謂後人追書非徐孚遠曰當言大王言楚王誤

聞蘇秦死

案此時爲懷王十八年秦之死已十年矣豈儀至是始聞之乎妄也四字宜衍

則從境以東

案策作竟陵此誤

大王嘗與吳人戰五戰而三勝

徐孚遠曰懷王時吳屬楚久矣安得與吳人五戰此言誤

且夫秦之所以不出兵函谷十五年以攻齊趙者

案斯語最不足信。下說趙王語全妄。辨在蘇秦傳。此獨言不

攻齊趙。

策作諸侯

亦不盡然。吳師道曰。前二年五年六年皆有攻

趙之事。而攻齊則無之。若云不攻齊則猶可通也。

戰於藍田

案國策田下有又卻二字。此缺。

居二年而覺齊王大怒。車裂蘇秦於市。

案秦傳爲燕敝齊之計。覺于死後。而秦爲人所刺。設計得賊。豈因謀齊事覺而車裂乎。吳師道謂儀借事爲說。破從親也。下說趙全。

地不過九百里

案蘇秦傳曰。韓地方九百餘里。策作千里。而此云不過九百。

策作不滿九百。史仍游士之言。故不全也。

蹄間三尋

案策作二尋

今秦之與齊也

鄧以讚曰。秦策作趙是。

秦趙戰於河漳之上。再戰而趙再勝。秦戰於番吾之下。再戰又勝秦。

案上文有齊與魯三戰而魯三勝事。史無所見。吳師道以爲取譬之說。或當然也。而此兩戰史亦不書。史仍國策疑有譌。但趙卻秦番吾。實有其事。在王遷四年。豈作策者誤以後事爲前事歟。

今秦楚嫁女娶婦

案秦迎楚婦時儀死五年矣亦在後

韓獻宜陽

案韓策亦有效宜陽語其實秦取宜陽之時儀死四年矣

趙入朝澠池割河間以事秦

案國策鮑注云據此則說趙當在齊前但余攷後文說燕亦有斯語而朝澠池時無割河間事且澠池之會儀死三十年矣蓋史載儀說列國皆本于策多不可信經史問答云秦所取六國之地韓魏最先次之者楚其後及趙然所取必其爲秦之界上今策言張儀一出趙以河間爲獻燕以常山之尾五城爲獻齊以魚鹽之地三百里爲獻此傳皆非不識地理有見後之言乎河間常山秦亦何從得而有之況齊人海右魚鹽之地乎以秦之察豈受此愚又累言文信侯欲取趙河間以廣

其封文信封河南當在韓周之交何從得通道于河間吾不知作策者何以東西南北之不諳而爲此謬語也

包兩周遷九鼎

案此不過大言之爾收取兩周非惠王遷鼎亦無其事

趙興兵攻燕再圍燕都而劫大王大王割十城以謝

案此事策史皆不書

獻恆山之尾五城

案恆字何以不諱

張儀相魏一歲

案儀特自秦入魏耳未必復相魏也蓋因楚昭魚有恐儀相魏之語而誤見魏世家至魏策載儀走魏魏王因張丑之言不內

與史駁疑非此時事

而使陳軫使於秦

案史與魏策各異史公或別有所本此言軫爲楚使秦策言爲秦使齊疑是策誤此言田需約楚策言李從此言楚王怒田需不聽約故云犀首行燕趙齊三國相事策言楚亦以事因犀首故云四國屬事其餘字句亦多不全未知孰實

韓魏相攻葢年不解

案秦策是齊楚相伐因楚先絕齊故齊伐之也而此作韓魏誤吳氏注曰秦惠十三年韓舉趙護與魏戰敗績去楚絕齊時遠甚他不見韓魏相攻事

王聞夫越人莊舄乎

案此篇與策亦異

卞莊子



附案此與論語合。但秦策作管莊子。豈莊子爲卞邑大夫而其姓爲管乎。索隱本作館。謂逆旅舍。其人字莊子。疑因所見本異而謬爲之說也。

館豎子止之

策策作管與

因委之犀首以爲功。果相魏。張儀去。

大事記曰。傳稱衍相魏。儀去則不然。以儀傳攷之。儀慙無以歸報。而魏四歲而魏王卒。復說其嗣君。久之始去魏相秦耳。犀首聞張儀復相。秦害之。犀首乃謂義渠君曰。

案儀復相秦在惠文後八年。而此篇下文有其後五國伐秦

語。當作六國。說在秦紀。伐秦在惠文後七年。儀尚在魏。則犀首見義渠

時。儀未復相也。此誤。

大敗秦人李伯之下

附案索隱本人作入。謂義渠破秦而收軍入于李伯之下。恐非國策伯作帛古通。

張儀已卒之後犀首入相秦嘗佩五國之相印爲約長

案繼張儀而爲秦相者樗里疾甘茂薛文樓緩魏冉不聞公孫衍相秦之事。攷國策秦王愛公孫衍欲以爲相甘茂入賀王怒其泄而逐之。蓋因此誤傳。至所謂相五國者卽陳軫傳相三國事而夸大也。

樗里甘茂列傳第十一

秦惠王八年爵樗里子右更使將而伐曲沃

案秦紀屢稱庶長疾似未嘗爲右更八年當作二十四年乃後元十一年此誤也而曲沃亦焦之誤說在表

莊豹

案一作趙莊說在秦紀

智伯之伐仇猶遺之廣車

案西周策云遺之大鐘載以廣車此有脫誤韓子說林呂覽

權勳皆載其事也策作公由呂作風當作縣高誘注或作仇

首蓋猶省作食韓作仇由漢志臨淮有公由縣御覽三百四

說文繫傳口部引呂又作仇猶

齊桓公伐蔡號曰誅楚其實襲蔡

案因蔡伐楚戰國時之說也辨見管仲傳

昭王元年枳里子將伐蒲

案此篇見衛策索隱引紀年云褚里疾圍蒲不克而秦惠王

薨以爲事與此合殊妄或謂惠王是武王之誤則事又在武

四年非昭元年矣。

今伐蒲入於魏。衛必折而從之。

案策作蒲入於魏。衛必折於魏。與此全一費解。疑有脫誤。索隱引策云。今蒲入於秦。衛必折而入於魏。吳注亦言一本作蒲入於秦。當是。

故胡衍受金於蒲。

案樛里子亦得三百金而歸。見國策。史略不言樛里。

事下蔡史舉先生。

案後文亦稱下蔡。但索隱曰。國策韓子皆云上蔡也。

蜀侯輝相壯反。

案紀表蜀相陳壯殺蜀侯通。在秦惠更元十四年。蜀侯輝反。在秦昭六年。安得合爲一事。此輝字誤。依本紀當作通。

始張儀西并巴蜀之地

案儀傳不書儀并蜀。秦紀稱司馬錯滅蜀。而此言儀者。攷水經注三十三云。惠王使儀錯等滅蜀。華陽國志云。蜀王伐苴侯。苴侯奔巴。求救于秦。惠文王使儀錯伐蜀滅之。是二人全往也。然則此傳失書錯。紀失書儀。李斯傳亦但言儀。

公孫奭

案秦策作公孫衍

而臣受公仲侈之怨也

附案徐廣謂侈一作馮。田完世家韓馮。徐亦云是公仲侈。卽國策韓之公仲朋也。紀年又稱韓明。馮朋音近。侈明朋字近。人表又譌公中用。

武王竟至周而卒於周

案秦紀趙世家言秦武王之卒與此異說在紀中

不如公孫奭

附案國策作郝又作赫又作顯疑以音形相近而譌大事記謂本一人記其名者不全耳

輟伐魏蒲阪亡去

案蒲阪乃皮氏之誤徐廣已言之矣

及至鬼谷則置之鬼谷

案秦策上作谿谷下則槐谷吳注云史谿谷槐谷竝作鬼谷故前則徐注在陽城後則劉伯莊云在關內雲陽皆不明姚引後語注槐里之谷今京兆始平之地作鬼谷大非

宋姚宏注國策

楚王問於范蠡曰

附案徐廣作蠟索隱引策作蠓今楚策作環皆以音形相近

而異田完世家孟荀傳有環淵漢書人表藝文志竝作蜎也  
且王前嘗用召滑於越而內行章義之難越國亂故楚南塞厲  
門而郢江東

附案內行章義之難徐廣曰一云內句章句昧之難與策合  
言納召滑于句章之地楚雖有唐昧之難而能得越地以滑  
亂之也索隱依文釋之非召滑說在始皇紀厲門徐作瀨湖  
亦全策吳注曰地未詳

然則王若欲置相於秦則莫若向壽者可

案向壽策作公孫郝然秦紀不書壽郝爲相也

秦歸燕太子趙攻燕得上谷三十城

案此仍秦策然妄也燕太子丹自秦逃歸非秦歸之秦連歲  
攻趙救亡不暇安能攻燕始皇十九年趙滅後代王與燕合

兵軍上谷。是時爲始皇二十五年。何云得上谷三十城。策作三十

六皆非事實。

秦乃封甘羅以爲上卿。

附案甘羅十二爲丞相。此世俗妄談。乃儀禮喪服傳疏已有甘羅十二相秦之語。豈非誤讀國策史記乎。李匡父資暇錄宋黃朝英靖康細素雜記並辨相秦之誤。而不言及賈疏。獨野客叢書曾及之。因學紀聞六引李邕爲李思訓碑云。畢子贊禹。甘生相秦。唐杜牧樊川集偶題云。甘羅昔作秦丞相。皆不放之故也。然其誤實不始于賈氏。北齊書彭城王浹傳。甘羅幼爲秦相。未聞能書。則知誤已久矣。

禮侯列傳第十二

武王母號曰惠文后。先武王死。



案秦紀昭王二年庶長壯與大臣諸侯公子爲逆皆誅及惠文后皆不得良死卽下文季君之亂也此言先武王死誤乃使仇液之秦

附案仇液姓名史策不全說在趙世家

昭王十四年魏冉舉白起

案起于十三年已爲左庶長將兵攻韓新城則非十四年始舉之也

又取楚之宛葉

案紀表韓世家皆不言葉

復相冉乃封魏冉於穰復益封陶

案紀冉始相已封穰冉相益封陶是也此言復相乃封穰與益陶全時誤矣穰爲韓地昭王六年取之陶爲宋地取陶歲

月無攷國策多舛不足據信

穰侯封四歲爲秦將攻魏魏獻河東方四百里拔魏之河內取城大小六十餘

案四歲當是三歲之誤若是四歲則爲昭王十九年何以下又云昭王十九年乎魏納河東在秦昭十七年魏昭六年乃穰侯封陶之二歲也取六十一城在秦昭十八年元屬兩事不得并爲一案穰侯攻魏紀表不書而取城固是自起與穰侯無涉或因其爲相以功歸之歟至謂穰侯拔河內尤誤攷表秦昭二十一年魏納安邑及河內當魏昭十年但此後二十餘年信陵君謂魏安釐王曰秦臨河內河內共汲必危見魏家則彼時河內猶屬魏而表言納河內殊爲虛語秦紀云攻河內魏獻安邑不云并獻河內元未嘗誤夫言秦昭二十一

年有河內者尚非事實而况曰秦昭十八年穰侯拔之乎蓋  
與春申君傳言舉河內全誤矣或問始皇紀六年書衛保魏  
河內時爲魏景湣二年猶未失河內何歟曰秦取河內定當  
昭王四十四五六年間而非全得河內之地也知者信陵之  
語在秦拔魏鄆邱後拔鄆邱在秦昭四十四年且極諫安釐不可與秦伐  
韓而秦連歲攻韓在昭王四十四五六年其取河內總不出  
此三年中故白起傳言秦趙長平之役秦王自之河內而戰  
長平卽昭王四十七年事時河內已半屬于秦而未全得其  
地是以秦莊襄王二年拔波始皇五年拔山陽七年攻汲皆  
河內縣地凡此竝魏之河內也當始皇六年衛僅守野王片  
土魏只據大梁以東數十里更安得全有河內而保之耶

免二歲復相秦

案二當作四說在秦紀

走芒卯入北宅

案是年乃破暴鳶走開封耳此誤

梁大夫須賈說穰侯

案賈之說當在秦昭三十四年破芒卯後此誤在三十二年

昔梁惠王伐趙戰勝三梁拔邯鄲趙氏不割而邯鄲復歸

案一拔一歸皆妄說在表集解索隱以爲卽南梁之役非也  
戰南梁乃趙魏伐韓非魏伐趙

齊人攻衛拔故國殺子良

案國策衛皆作燕子良作子之未知孰是索隱以魏策爲非  
何所見乎

戰勝暴子割八縣

案秦拔魏二縣魏與秦溫共三縣耳八縣誤說在秦紀下文  
全又國策暴作畢非注云地缺尤非

守梁七仞之城

附案策作十仞此譌也下全

乃罷梁圍

案梁圍之罷因獻南陽何曾是須賈說穰侯而罷乎鮑彪魏  
策注辨之曰以秦爲天幸而欲其無行危也秦豈信之哉秦  
行是何危之有且其爲魏過深適足以疑秦豈沮于是哉梁  
圍之解將別有故非賈力也

走魏將暴鳶得魏三縣

案魏將乃韓將之誤又事在秦昭三十二年此誤敘于三十  
三年說見紀

復攻趙韓魏

案是時秦救韓而伐趙魏何云攻韓當衍韓字

斬首十萬

案當作十五萬脫五字說在紀

欲伐齊取剛壽

案事在昭王三十七年此誤敘于三十六年亦說見紀

秦復收陶爲郡

案秦無陶郡當作縣或郡下有縣字

白起王翦列傳第十三

白起者郿人也

案趙策有公孫起吳注云卽白起豈秦之公族歟

是歲穰侯相秦

案是歲承上秦昭十三年也而紀表竝在十五年此誤

### 拔五城

案此所拔之五城不知是魏是韓說在秦紀

明年白起爲大良造攻魏拔之取城小大六十一明年起與客卿錯攻垣城拔之後五年白起攻趙拔光狼城後七年白起攻楚拔鄢鄧五城

案上明年是昭王十五年下明年是十六年但起無拔魏之事取魏城六十一在昭王十八年與司馬錯拔垣河雍全時而攻趙在二十七年攻楚在二十八年拔趙是二城拔楚是三城則此言拔魏誤一言取六十一城在十五年誤二言拔垣在十六年誤三以錯之取垣爲起共之誤四言拔垣而不及河雍誤五以左更錯爲客卿誤六以攻趙爲攻垣後五年

誤七以攻楚爲攻趙後七年誤八書拔光狼而不書代誤九改拔鄆鄧西陵三城作鄆鄧五城誤十宜書曰明年白起爲大良造攻魏垣拔之後三年起攻魏取城大小六十一左更錯攻垣城河雍拔之後九年白起攻趙拔代光狼城明年白起攻楚拔鄆鄧西陵三城其餘說見紀表

白起攻魏拔華陽走芒卯而虜三晉將

案是役也穰侯白起胡陽全帥師不當專言起華陽乃韓地不可言魏蓋破魏于華陽耳秦攻趙魏以救韓與韓何干不得言三晉將其誤皆辨在紀中

白起攻韓陘城拔五城

案五城二字誤當作拔之說在紀

秦攻韓緱氏蒍



徐廣曰屬潁川。索隱曰今其地闕。正義曰檢諸地記潁川無  
蒯。括地志云洛州嵩縣本夏之綸國在緱氏東南六十里地  
理志綸氏屬潁川郡。案既攻緱氏二邑合相近恐綸蒯聲相  
似字隨音而轉作蒯。

四十八年十月秦復定上黨郡秦分軍爲二

案秦紀云分軍爲三此只言王齕司馬梗二軍者不數武安  
君先歸之一軍也十月兩字衍說在紀

閏邢上

案鮑吳秦策注云此當作鄧卽韓桓惠王九年秦拔陘事

南地入韓魏

案韓字誤秦策作楚是

其九月

案紀是十月

賜之劍自殺

案國策甘羅述武安君之死也曰去咸陽七里絞而殺之與

此不全

上文言出咸陽西門十里

武安君之死也以秦昭王五十年十一月

案紀是十二月此誤

李信攻平與

附案與乃與之譌平與汝南縣名

蒙恬攻寢

案此前後三稱蒙恬攻六國表及蒙恬傳是時恬未爲將當是蒙武之誤御覽百五十九引史云蒙恬伐楚寢邱

信又攻鄢郢破之

案七字衍大事記曰鄢郢白起取以置南郡是時不屬楚久矣傳之誤也

秦王怛

附案班馬字類作怛音粗各本譌怛

秦二世之時王翦及其子資皆已死

案始皇二十一年王翦會謝病歸老二十八年琅邪頒列名有王賁王離而無王翦則已前死矣何待二世時乎

孟子荀卿列傳第十四

孟軻鄒人也

案史不書孟子之字趙岐題辭曰字則未聞攷漢藝文志師古注引聖證論云字子車王氏藝文志考證困學紀聞八引傳子云字子輿文選劉峻辨命論子輿困臧倉之辭注亦引

傅子云鄒之君子孟子與唐虞世南北堂書鈔引孟軻傳荀子非十二子篇楊注竝云字子與孔叢子雜訓云孟子車注一作子居據此則魏晉以來始傳孟子之字故正義著之雖未詳其所得要非無據可補史遺王氏疑爲傳會非也古車與通用如秦三良子車氏史于秦紀趙世家扁鵲傳竝作子與可驗惟居字恐以音全而譌顏師古急就篇注孟子字子居廣韻去聲軻字注云孟子居貧軻軻故名軻字子居疑非御覽三百六十三引聖證論曰子思書及孔叢子有孟子居則是軻也少居坎軻故名軻字子居與師古所引異受業子思之門人

附案孟子題辭曰長師孔子之孫子思漢藝文志云子思弟子孔叢雜訓云孟子車請見子思甚悅其志又牧民居衛篇有問答語風俗通窮通篇云軻受業于子思而史稱受業子

思門人索隱引王邵謂人字衍蓋以史爲誤也然攷伯魚先  
夫子歿五載子思當不甚幼子思八十二卒非六姑以夫子  
歿時年十歲計之則卒于威烈王十八年而赧王元年齊伐  
燕孟子猶及見之其去子思之卒九十五年孟子壽百餘歲  
方與子思相接恐孟子未必如是長年則安得登子思之門  
而親爲授受哉且孟子自云私淑諸人更是確證史似得其  
實

游事齊宣王宣王不能用適梁

案孟子游歷史言先齊後梁趙岐孟子注風俗通窮通篇並  
全古史從之然年數不合說在六國表當從通鑑始游梁繼  
仕齊爲是通鑑蓋據列女傳母儀篇也孫奕示兒編曰七篇  
之書以梁惠王冠首以齊宣王之間繼其後則先後有序可

見矣。故列傳爲難信。朱子序說  
兩存之。

楚魏用吳起

案起用于魏文侯。楚悼王之世。不得言在孟子時。

序詩書

附案孟子無序詩書之事。然七篇中言書凡二十九。援詩凡三十五。故稱序詩書。趙岐亦曰。孟子言五經尤長于詩書。作孟子七篇。

附案漢志云十一篇。蓋并數外書。性善辯文說孝經爲正四篇。此稱七篇者。豈以四篇不與內書相似而削之乎。趙岐題辭亦謂孟子著書七篇。以四篇爲後世依託。但漢志兵書家又有孟子一篇。則共十二篇矣。至題辭疏引唐林慎思續孟子書及韓愈答張籍書。謂七篇非軻自著。乃弟子所記。困學

紀聞八云序說引史記以爲孟子之書自作韓子曰軻之書非自著謂史記近是而滕文公首章道性善注則曰門人不能盡記其辭又決汝漢注曰記者之誤吳伯豐以問朱文公文公答曰前說是後兩處失之熟讀七篇觀其筆勢如鎔鑄而成非綴輯所就也閻氏尚書疏證四補遺曰孟子七篇手所親著所見諸侯王若梁襄滕文魯平不皆前死盡繫以謚者爲後人填補春秋絕筆獲麟哀公見存焉得有謚亦必後人欲與襄昭定一例改繫以謚也余謂孟子書當是門弟子隨時記錄孟子晚年手自改定之耳

### 大並世盛衰

附案索隱以大體解之非方氏補正曰大當作及傳寫誤也伯夷餓不食周粟

案有說在伯夷傳

梁惠王謀欲攻趙孟軻稱太王居邠

案索隱云孟子是對滕文公語今與孟子不全困學紀聞十一引葛氏曰於孟子無所見但有對滕文公之語史詮曰梁惠王當作滕文公趙當作齊蓋竝以史爲誤也攷新論隨時篇云昔秦攻梁惠王謂孟軻曰先生不遠千里辱幸敝邑今秦攻梁先生何以禦乎孟軻對曰昔太王居邠狄人攻之事之以玉帛不可太王不欲傷其民乃去邠之岐今王奚不去梁乎惠王不悅似孟子實有此對但非梁謀攻趙耳然恐不可爲據

伊尹負鼎

案負鼎說在殷紀



終身不仕

案淳于髡豈終身不仕者此言失實

故慎到著十二論環淵著上下篇

案漢志慎子四十二篇。蜎子十三篇。與此異。

荀卿趙人

案不書荀卿名亦疎

年五十始來游學於齊

案此言荀卿五十游齊。至襄王時爲老師。不言游齊在何時。攷風俗通窮通篇云。齊威宣之時。孫卿有秀才。年十五始來游學。至襄王時。孫卿最爲老師。據此則威王末年至襄王初年。計六十一年。荀子七十六歲。而襄王初年。國亂未定。恐不暇修列大夫之缺。則荀子三爲祭酒時。八十餘矣。若五十游

齊當襄王之世荀子百二十餘歲尚復適楚適趙何其壽考乎疑五十字誤宋晁公武郡齋讀書志引劉向荀子序亦作十五

荀卿乃適楚而春申君以爲蘭陵令春申君死而荀卿廢因家蘭陵

案楚策韓詩外傳四劉向荀子序風俗通窮通篇竝言春申君因客之說使人謝荀卿遂去之趙爲上卿春申君又因客之說使人請于趙荀卿謝之以書後不得已復爲蘭陵令史不書其之趙甚疎至所謂春申死而荀卿廢者指復爲蘭陵令時也經史問答未檢及此因疑荀子辭春申而去及春申死荀子以甘棠之舊復游蘭陵而卒未免臆說

序列著數萬言而卒

紫荀子三十二篇漢志譌三十三也云數萬言欠晰

劇子之言

附案劉向序作處子徐廣引應劭全案隱言姓劇以趙有劇孟劇辛爲證攷漢志處子九篇師古引史云趙有處子後書酷吏李章傳北海太守處興注引風俗通云趙有辨士處子故有處姓疑劇字傳寫之譌趙自別有劇氏也

楚有尸子

案集解云尸佼晉人後漢呂強傳注全當是也此作楚人漢志作魯人蓋因其逃亡在蜀而魯後屬楚故耳

阿之吁子焉

附案劉向序及索隱引向別錄竝作芋子漢志云芋子名嬰齊人師古誤以爲芋故音弭正義糾之矣

自如孟子至于吁子

案傳中自如二字兩見說在田完世家

蓋墨翟

王孝廉曰蓋字疑或上有脫文或是若字之誤

或曰竝孔子時或曰在其後

案此謂墨翟也墨子書開卷便言吳起之裂親士宋康染于

唐鞅仙不禮所染又與告子論仁義公孟則非竝孔子時審

矣索隱引別錄據文子弟子夏問墨子謂在七十子後漢書藝

文志後書張衡傳竝云在孔子後非春秋時所可疑者墨子

公輸篇載公輸攻宋墨翟設守事與戰國宋策列子說符呂

子慎大愛類合而檀弓言公輸般請以機封季康子之母康

子於哀公三年見傳至宋偃卽位已有六十餘年般何若是

之壽乎

史記志疑卷二十九終